



Saksframlegg

Utval	Utvalssak	Møtedato
Kommunestyret		13.02.2014

Fornyng av godkjenning etter barnehageloven § 10 for Heddeli barnehage

Saksdokument:

Barnehagelova.
Veileder til forskrift om miljørettet helsevern i barnehager og skoler m.v.
Bemanningsplan for barnehagane i Seljord kommune.
Vedtekter for barnehagane i Seljord kommune.

Vedlegg:

- 1 Fasadeteikningar m.m.
- 2 Søknadsskjema - godkjenning av Heddeli barnehage januar 2014
- 3 Kopi av HMS-kartleggingsskjema Heddeli barnehage
- 4 Planteikning Heddeli barnehage 1.etasje - 3D Arkitekter
- 5 Radonmåling Heddeli barnehage
- 6 Rapport SAMT - støy
- 7 Uteareal Heddeli barnehage
- 8 Bilde

Saksutgreiing:

Seljord kommune godkjente i 1984 Heddeli barnehage etter barnehageloven § 10. I tida mellom 1984 og fram til i dag har barnehagen vore utbygd i fleire omgangar (1999, 2005 og 2009) og drifta er i dag meir omfattande enn da godkjenning blei gitt sist. Det er difor behov for å fornye godkjenninga som blei gitt i 1984.

Det er kommunestyret i Seljord som har ansvar og mynde til å godkjenne barnehagar i kommunen etter barnehageloven § 10 og 11, samt etter forskrift om miljøretta helsevern, og det er ein føresetnad for godkjenning etter barnehageloven at verksemda blir godkjent etter forskrift om miljøretta helsevern.

Barnehageloven § 10. Godkjenning

Kommunen avgjør søknad om godkjenning etter en vurdering av barnehagens egnethet i forhold til formål og innhold, jf. §§ 1, 1a og 2. Kommunen kan ved godkjenningen sette vilkår for drifta med hensyn til antall barn, barnas alder og oppholdstid. Kommunens vedtak kan påklages til fylkesmannen.

Styrar i Heddeli barnehage har fylt ut grunnlagsdokumentasjonen "Søknadsskjema for godkjenning av skular og barnehagar m.v. i Seljord kommune" i samarbeid med kommunalsjef, verneombod og med bistand frå teknisk etat.

Det er i rundskriv frå helse- og omsorgsdepartementet, datert 25.1.2012, presisert at

"Forskrift 1. desember 1995 nr 928 om miljørettet helsevern i barnehager og skoler har som formål å bidra til at miljøet i barnehager og skoler fremmer helse, trivsel, gode sosiale og miljømessige forhold og forebygger sykdom og skade. Forskriften § 6 stiller krav om at barnehager og skoler skal være godkjente.... Det er her særlig viktig å sikre at det kommunale tilsynsorganet er tilstrekkelig uavhengig i forhold til de kommunale virksomhetene som det føres tilsyn med.

Uavhengighet innebærer at tilsynet utøves av personer eller kommunale enheter som ikke direkte har ansvar for den virksomheten som omfattes av tilsynet".

I Seljord kommune er tilsynsrolla ivaretatt av kommunelege 1. Andre kommunar kjøper inn tenesta frå Yrkeshygienisk avdeling på Notodden. Kommunelege 1 i Seljord får grunnlagsdokumentasjonen frå barnehagen til gjennomsyn og vurderer om det er behov for tiltak før eventuell godkjenning blir gitt.

Kommunelege 1 har ikkje merknader til den aktuelle søknaden om godkjenning av Heddeli barnehage.

Kunnskapsdepartementet har og utarbeidd ei rettleiing om godkjenning av barnehagar.

Det vil vere krav til barnehagen, som går fram av barnehageloven § 1 og 2 i lova, som er tema for godkjenning. Dette omhandlar krav til utforming, innhald og bemanning.

Heddeli barnehage er omfatta av dei kommunale vedtektene og bemanningsplan for barnehagane i Seljord både med omsyn til utforming, innhald og bemanning. Alle faglege kvalitetskrav er difor ivaretatt gjennom dette.

I rettleiinga for godkjenning av barnehagar står det vidare:

" Departementet har gitt en veiledende arealnorm for antall kvadratmeter per barn i barnehagen. Arealberegningen ved fastsettelsen av leke- og oppholdsarealet skal ta utgangspunkt i de rommene som faktisk står til disposisjon for barnas aktiviteter. Dette gjelder for eksempel lekerom, grupperom og sove- og hvilerom. Dersom barnas garderobe også egner seg som leke- og oppholdsrom, kan denne også medregnes. Det samme gjelder kjøkkenet, dersom dette reelt brukes til barnas aktiviteter. Personalrom, kontorer, stellerom, toaletter og lignende skal ikke tas med i beregningen. Den veiledende arealnormen får betydning for barnehageeieren ved dennes fastsettelse av leke- og oppholdsareal per barn og i forbindelse med kommunens godkjenning og tilsyn. Veiledende norm for barns lekeareal inne er 4 kvadratmeter netto per barn over tre år og om lag 1/3 mer (ca. 5,3 kvadratmeter) per barn under tre år. Utearealet i barnehagen bør være om lag seks ganger så stort som leke- og oppholdsarealet inne. Til dette arealet regnes ikke parkeringsplass, tilkjørselsveier og lignende."

Vedtektene for barnehagane i Seljord har vedtatt norm for leike- og opphaldsareal på 6 m2 for barn over 3 år og 6 m2 for barn under 3 år.

Heddeli barnehage har etter vurdering eit netto leike- og opphaldsareal avrunda til 230 m2. Kjøkkenareal er rekna med som leike- og opphaldsareal. Det samla leike- og opphaldsarealet avviker frå tidlegare godkjenning og lokale vedtekter. Dette skuldast at vi no har vurdert delar av arealet som ikkje eigna til leik/aktivitetar (garderobe). Det er også vurdert at organiseringa av Heddeli barnehage med ei småbarnsavdeling bør kome tydelegare fram av vedtektene og ny godkjenning. Småbarnsavdelinga er tilpassa dei minste barna med eit areal rekna til 75,9 m2 og talet på barn under tre år kan maksimalt vere 12. Resterande del av arealet er 154,7 m2 og talet på barn over tre år kan maksimalt vere 38.

Rådmannen si tilråding:

Rådmannen rår kommunestyret til å godkjenne Heddeli barnehage etter barnehageloven § 10 for eit tal på barn som samsvarar med arealnormene i vedtektene.

Netto leike- og opphaldsareal i barnehagen er avrunda til 230 m², inkl. småbarnsavdelinga.

Småbarnsavdelinga er tilpassa dei minste barna med eit areal rekna til 75,9 m² og talet på barn under tre år kan maksimalt vere 12. Resterande del av arealet er rekna til 154,7 m² og talet på barn over tre år kan maksimalt vere 38.

Utearealet er på om lag 3 100 m².

Andre krav til utforming, innhald og bemanning vert godkjende i samsvar med vedtekter og bemanningsplan i Seljord kommune.

Utskrift til:

Styrar i Heddeli barnehage
Fylkesmannen i Telemark